

121
27. sept.

REGLUGERÐ

um breyting á hafnarreglugerð fyrir Sandgerði í Miðneshreppi,
nr. 64 21. apríl 1948.

1. gr.

41. gr. hafnarreglugerðarinnar orðist þannig:

Öll gjöld samkvæmt reglugerð þessari má taka lögtaki og hafa þau sama forgangsrétt og opinber gjöld. Auk þess eru skipagjöld tryggð með lögveði í skipinu og gengur það í tvö ár fyrir sammingsveðskuldum.

Skipagjöld teljast í reglugerð þessari öll þau gjöld, sem skipi ber að greiða til hafnarinnar, svo sem lestagjald, bryggjugjald, vatnsgjald, hafnsögugjald, ljósagjald, fjörugjald, gjald fyrir dráttarbáta og aðra þá aðstoð, sem skipið fær hjá höfninni.

2. gr.

Reglugerð þessi öðlast þegar gildi.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, sbr. l. nr. 41 5. apríl 1948, um breyting á þeim lögum, og birtist til eftirbreytni öllum þeim, sem hlut eiga að máli.

Samgöngumálaráðuneytið, 27. september 1954.

Ólafur Thors.

Brynjólfur Ingólfsson.

122
21. sept.

REGLUGERÐ

um heimilishjálp í Reykjavík.

1. gr.

Ráðningarstofa Reykjavíkurbæjar fer með stjórn heimilishjálpar í Reykjavík undir yfirstjórn bæjarráðs og borgarstjóra.

Dagleg umsjón með framkvæmdum heimilishjálparinnar í Reykjavík er í höndum konu með þekkingu á heimilisstörfum, er borgarstjóri skipar. Hún á rétt á að sitja fundi í stjórn ráðningarstofunnar, þegar rædd eru mál, sem varða heimilishjálpinu, og hefur þar málfrelsi og tillögurétt.

2. gr.

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður eða á annan hátt, sem forstöðukona heimilishjálparinnar metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.

Hjálpin skal að jafnaði ekki veitt um lengri tíma í senn en 14 daga.

3. gr.

Heimilishjálpin skal jafnan leitast við að hafa til taks nægilega margar konur til heimilishjálpar.

Forstöðukonunni ber að ganga örugglega úr skugga um, að konur þær, sem

heimilishjálp stunda á vegum stofnunarinnar, séu hæfar til starfsins, hafi t. d. lokið 122 tilskildu námskeiði eða sýnt hæfni í verki og séu ekki haldnar smitandi sjúkdóm- 21. sept. um. Skulu þær leggja fram vottorð heilsuverndarstöðvar eða trúnaðarlæknis.

Ef stjórn heimilishjálparinnar æskir þess, skal Húsmæðraskóli Reykjavíkur halda uppi kennslu til leiðbeiningar konum, sem taka vilja að sér að stunda heimilishjálp samkvæmt samþykkt þessari, ef húsrúm skólans og aðrar aðstæður leyfa.

Um launakjör og hlunnindi starfsfólks heimilishjálparinnar fer eftir ákvörðun bæjarráðs.

4. gr.

Bæjarsjóður Reykjavíkur ber ekki fjárhagslega ábyrgð á tjóni, sem konur þær, er vinna á vegum heimilishjálparinnar, kunna að valda við störf sín.

5. gr.

Stjórn heimilishjálparinnar ákveður, hvert form skuli vera á umsóknum um heimilishjálp.

Bæjarráð getur veitt eftirgjöf á greiðslu fyrir heimilishjálp að nokkru eða öllu leyti að fengnum tillögum forstöðukonu heimilishjálparinnar.

6. gr.

Fyrir heimilishjálp skal greitt eftir gjaldskrá, er bæjarstjórn setur að fengnum tillögum Ráðningarstofu og forstöðukonu og ráðherra staðfestir.

Ráðningarstofan setur nánari reglur um greiðslu, innheimtu eða annað, er hún telur máli skipta í þessu efni.

7. gr.

Ráðningarstofa Reykjavíkurbæjar veitir heimilishjálpinni nauðsynlega fyrirgreiðslu um húsnæði og afnot áhalda, svo og skrifstofustörf.

8. gr.

Reikningar heimilishjálparinnar skulu endurskoðaðir árlega með sama hætti og reikningar Reykjavíkurkaupstaðar.

9. gr.

Sá halli, sem verða kann af heimilishjálp, sem veitt er samkvæmt lögum um heimilishjálp í viðlögum og samþykkt þessari, greiðist að $\frac{1}{3}$ úr ríkissjóði, en $\frac{2}{3}$ úr bæjarsjóði. Um greiðslu kostnaðar, sem um ræðir í 3. mgr. 3. gr. reglugerðar þessarar, fer þó sem rekstrarkostnað húsmæðraskóla.

Reglugerð þessi, sem bæjarstjórn Reykjavíkur hefur samið og samþykkt samkvæmt lögum nr. 10 25. janúar 1952, um heimilishjálp í viðlögum, staðfestist hér með til þess að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 21. september 1954.

Steingrímur Steinþórsson.

Hjálmar Vilhjálmsson.